



220200 Боғот шаҳарчаси Ўзбекистон кўчаси, 18 уй. Tel:31-51-807, faks:31-52-425

2020 йил «2» июн

№ 1626

Боғот шаҳарчаси

Нусха № 1

Марҳум Юсупов Атабекга Боғот тумани “Найман” маҳалласи ҳудудида жойлашган “Ун ва шоли тегирмонлари, дурадгорлик ҳамда автомобилларга техник хизмат кўрсатиш шохобчалари” биносига бўлган эгалик ҳуқуқини белгилаб бериш тўғрисида

Боғот тумани “Найман” маҳалласида яшовчи фуқаро Юсупов Расул Атабековичнинг Боғот тумани “Найман” маҳалласи ҳудудида жойлашган марҳум отаси Юсупов Атабекга тегишли “Ун ва шоли тегирмонлари, дурадгорлик ҳамда автомобилларга техник хизмат кўрсатиш шохобчалари” биносига бўлган эгалик ҳуқуқини белгилаб беришни сўраб туман ҳокимлигига йўллаган 2020 йил 24 июндаги ХО-Ю-1830-сонли аризасини, Боғот туман ҳокимининг 1999 йил 13 ноябрдаги 451-сонли, 2002 йил 23 январдаги 31-сонли қарорларини ҳамда Хоразм вилояти ер тузиш ва кўчмас мулк кадастри давлат корхонаси Боғот туман филиалининг 2020 йил 18 мартдаги 1252-сонли маълумотномасини кўриб чиқиб, Ўзбекистон Республикаси “Ер кодекси”нинг 6, 7-моддаларига асосланиб

ҚАРОР ҚИЛАМАН:

1. Боғот тумани “Найман” маҳалласи ҳудудида жойлашган 2 (икки) та хонадан иборат, жами ички ўлчамлари 161,28 квадрат метр, жами қурилиш ости майдони 251,84 квадрат метр, умумий ер майдони 1173,0 квадрат метрдан иборат бўлган ушбу “Ун ва шоли тегирмонлари, дурадгорлик ҳамда автомобилларга техник хизмат кўрсатиш шохобчалари” биноси марҳум Юсупов Атабекга тегишли эканлиги эътироф этилсин.

2. Марҳум Юсупов Атабекнинг меросхўрлари ушбу қарор қабул қилиниши муносабати билан ушбу “Ун ва шоли тегирмонлари, дурадгорлик ҳамда автомобилларга техник хизмат кўрсатиш шохобчалари” биносини давлат рўйхатидан ўтказиш мажбурияти юклатилсин.

3. Ушбу қарорнинг бажарилишини назорат қилиш туман ҳокимининг ўринбосари А.Куръязов зиммасига юклатилсин.

Боғот тумани ҳокими

О.Холбоев